

Lus Ua Tsaug:

Thaum txog niam txiv tom ub (tus ntxhais tog) tus cawv ces tog vauv yuav tsum ua tsaug. Ces yus yog vauv tog no ces yus yuav tsum hais li no. Nov yog yus ua tsaug rau niam txiv hauv tsev:

Ua tsaug os (*mejkoob, niamtxiv – tuav nws lub npe*)! Luag tias, niam txiv tom ub muab niag luaj twb rau tsis yog niag ncoo, niag kab rau tsis yog niag ke, niag tshoob rau tsis yog niag kos. Niam txiv tom ub ua tshoob ua kos twb yoog tsis yog liag lwg rhwv mis txoj kab tshoob kev kos. Niam txiv tom no, luag tias muab niag luaj twb rau yog niag ncoo, niag kab rau yog niag ke, niag tshoob rau yog niag kos. Niam txiv tom no, ua tshoob ua kos yoog yog liaj lwg rhwv mis txoj kab tshoob kev kos. Niam tom ub ces tsuas yog tuaj zaum tsaws noj tsaws haus xwb. Es ua tsaug nawb!

Thaum txog yus tus cawv es lawv ua yus tsaug no ces koj ho teb li no:

Txhob ua tsaug os! Luag tias, niam txiv tom no muab niag luaj twb rau yog niag ncoo, niag kab rau yog niag ke, niag tshoob rau yog niag kos. Niam txiv tom no ua tshoob ua kos twb yoog yog liaj lwg rhwv mis txoj kab tshoob kev kos. Niam tom ub ua twb tsis muaj kab muaj ke tuaj, los niam txiv tom no, tseem ua muaj kab muaj ke tos. Txhob ua tsaug, nkim lo tsaug laud!

Yus yuav tsum txaum yim rau nws thaum hais lus.